

GRIFFITHS, GRIFFITH PENNAR (1860 - 1918), gweinidog Annibynnol

Enw: Griffith Pennar Griffiths
Dyddiad geni: 1860
Dyddiad marw: 1918
Rhyw: Gwryw
Galwedigaeth: gweinidog Annibynnol
Maes gweithgaredd: Crefydd
Awdur: John Dyfnallt Owen

Ganwyd yn Aberdâr, Morgannwg. Cylchoedd ei addysg gynnar oedd yr ysgol Sul, y cyrddau llenyddol, a'r eisteddfodau. Aeth i'r gwaith glo yn ifanc, gan ymroddi'n ddiarbed yn ei oriau hamdden i'w ddiwyllio ei hun, yn arbennig drwy farddoni a llenyddda.

Dechreuodd bregethu yn Ebenezer, Trecynon, Aberdâr, yn 1881. Aeth i ysgol yr Hen D Cwrdd, Trecynon (o dan [Rees Jenkin Jones](#)), gan fwriadu mynd i un o golegau'r enwad, eithr ymyrrodd amgylchiadau â'i drefniant. Ordeiniwyd ef ym Merthyr Vale, Morgannwg, 1884. Symudodd i Bentre Eysyllt, ger Abertawe, yn 1887, ac yno y treuliodd weddill ei oes. Enillodd safle fel pregethwr huawdl yn gynnar; yr oedd ganddo lais clochaid a pharabl rhydd. Yr oedd yn yr olyniaeth areithyddol fel pregethwr.

Am rai blynyddoedd barddonai lawer ond llenyddai fwy. Ei brif weithiau yw *Cofiant Watcyn Wyn*, *Hanes y Cenhadon Cymreig*, a llawlyfrau ar *Yr Actau* a *Blodau Cudd* ar gyfer ysgolion Sul yr Annibynwyr. Beirniadau ac arweiniau mewn eisteddfodau yn aml; yr oedd yn fawr ei feistrolaeth ar gynulleidfa.

Bu farw 29 Rhagfyr 1918 a chladdwyd ef ym mynwent y Mynydd-bach.

Awdur

Y Parchedig John Dyfnallt Owen, (1873 - 1956)

Ffynonellau

Y Dysgedydd, Ionawr 1919

Y Tyst, Ionawr 1919

The Druid, 1 Chwefror 1919

Gweithiau

Watkin Hezekiah Williams, David Onllwyn Brace, Pennar Griffiths, [Byr-gofiant i'r diweddar Barch. T. Penry Evans, Pontardulais \(1890\)](#)

Dolenni Ychwanegol

Wikidata: [Q20733099](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Evch i'n [tudalen codi arian](#) am ragor o wybodaeth.